

皖

志

議

略

地 270
9427

系 三 〇 一

皖志議畧上行錄無一書可攷謹就記憶所及錄之

桐城陳澹然劍譚著

吾皖據中華南北之中自皖公受封而皖始著其地扼江淮腰膂山川雄峻人物殷繁見於圖史者尤衆自神禹導淮會塗山者萬國在鳳陽成湯革命放夏桀於南巢在巢縣禹廟在鳳陽塗山湯陵在亳魏焉吾土厥後管管子穎上人閔閔子驥在亳州代興老老子太和人洪澤湖內有老君山莊莊子蒙城人遞作經綸道德並耀寰區遂致文德武功競驅天壤前賢遺烈所以餉後世於無窮者此也今欲成皖志謹據其要者述之

武功

競爭之世非武俠不克圖存故史志以鼓盪俠風爲急以皖地言周懲荆舒舒即城伐淮夷其名始著其地南踰淮北則併中原北踰淮南遂吞江表存亡所繫武俠勃興春秋吳楚之爭皆以皖爲關鍵鵝岸之役實在皖南銅陵縣此長江舟楫之爭也厥後爭桑乃在皖北穎上縣伍伍子胥過昭關和州南皆吳地吳師入郢湖北安陸府楚實由六六安州霍霍山縣入麻城湖北麻城縣名驅兵不測之地此跋山涉險之奇兵也春

皖志議畧上

秋以還戰爭尤劇楚吞淮泗幾奪齊疆吳會柘臯在巢縣遂爭晉巔然後南北之戰起焉戰國而後淮勢益張楚都壽春筭兵函谷春申君事秦驅淮甸威振南邦霸王事遂致陳涉起自澤鄉今宿州大澤鄉劉邦漢高祖起於泗上泗上亭長英布偃興霍六懷王即義帝建國盱眙匹夫帝王一洗貴族二千年之專制斯亦振古奇烈矣尤可異者秦楚興滅皆出皖人范增巢人劉項存亡皆由皖地淮水大戰項勝劉敗不可謂非千古之奇厥後英布淮南迭遭夷滅西漢亡而李憲稱帝舒州已先袁術東漢亡而曹操獨興譙郡今亳遂代炎劉張遼曹休鎮安廬皖而周瑜舒城人魯肅桐城人指困獨造吳邦濡須巢縣硤石桐城之間戰爭尤重魏晉之交諸葛誕獨以壽壽州連吳竭忠曹氏身雖敗滅君子重之晉徙建康兩淮尤爲屏蔽蘇約變起滁州遂圍京闕西淝壽州西一戰挫符秦謝玄事百萬之師然後建康始定南北朝之爭兩淮尤烈廬壽之間倏南忽北其事皆關南北存亡而孫策杜伏威隋末皆自歷陽和州遂成霸業此唐以前皖北之重繫天下不能不發明者一

初顓頊之子封於青陽池州府屬皖南始著桐城東鄉與壽陽相望其蝦兒港水中

子周封夏後於越勾踐之起皖南多隸越中楚平吳越越遺民遁入皖南萬山

中始稱山越中國夷之東漢之衰孫策乞袁術壽州駐壽兵三千南下始定江東

孫權徙都建業與曹魏迭爭廬皖爭濡須三十年卒破山越得皖南而吳始大

西晉之衰淮北盡歸夷域晉元南渡宣城今甯姑孰今太尤重西防王敦桓溫

皆踞姑孰溫嶠東下牛渚在采石東益彰劉裕西征梅根貴池江濱始著兩淮爭戰遺子

實稀於是中原文物遁入皖南亘南北朝流風未墜梁陳之際程靈洗獨據皖

南宣威江表隋唐之間汪華保持六郡皆皖南拜爵長安而史志實多遺漏此唐

以前皖南之重繫天下不能不發明者二

唐之衰也藩鎮始於河北而盛於東南楊行密獨起田間合肥始平邗上繼定

皖南西克洪都北驅汴將取威定霸建國淮南徐知誥席其遺烈稱號南唐破

閩破楚南平海表西極長江至今兩淮之鹽猶類當年兵迹不可謂非一世之

皖志議略上

二

雄也迹其保境安民一洗宦官宮妾之禍東南繁富且四十年允超五季十一

國之上實皆行密之遺風周世宗開睢穎謀淮南劉仁贍南唐獨抗壽州屢攻不

下子降而其母獨引大義誅之赫然開梁夫人之先與黃鼎妻後詳並稱女俠仁

贍病沒世宗始踰淮南清流滁州關名一戰實為宋祖代周之始厥後南唐之滅宋

兵皆出淮南與秦晉隋唐元清等地勢所在亘古不搖此戰略之大者也金人

南牧宋室播遷尤恃兩淮為生死劉錡守順昌今穎州張俊守盱功亞岳韓及張浚敗

績盱眙而淮始弱而錢氏左氏程氏之保皖南固錢塘肩背且百餘年不可謂

非英傑按諸史志皆失其人南宋滅金實由淮將其亡也汪立信六安人獨請建

沿淮三鎮以保東南既亡面劉源潛山人猶合潛霍數百寨連黃麻以存宋土此

明以前皖南北之重繫天下不能不發明者三

俠氣鼓盪越二千年於是劉福通偃起安豐今霍邱立韓林兒為帝且十數年既掃

中原驅兵塞外元亡明起皆此之由其功蓋與陳涉義帝呂臣等朱元璋勃興

濠上定都建業遂滅胡元統一之功於斯為盛然其先曹氏官平章失其名守霍許榮起舒皆有保境安民之義明之建國奇士雲興多詳明史而邊疆異烈尤出皖人傳者蓋寡甚至葉旺皖北人首定遼東胡宗憲皖南人繼平倭寇奇勳彪炳史志或略弗詳厥後流寇越淮堅城盡沒桐人獨抗強寇保障江流史可法黃得功非皖人乙邦才奔走江淮皖人至今歌泣福王既滅金聲江天一吳應箕抗節金陵皖南人孫臨錢飲光方以智奔馳海表桐人明亡五載桐碑猶刻明朝鄭成功師逼金陵張煌言馳書入院皖南北三十七州縣首附明師鄭師既敗煌言遁入霍山尚賴桐人脫阨而皖南及六安數百寨至康熙始平黃鼎之妻六安人佐夫保境鼎降受總兵妻獨擁四萬兵不下厥後子歸泣諫卒邀總督至廬授兵冊終身不見其夫尤為巾幗中偉烈蓋不特木蘭女傑元魏人戎服禦邊為千古奇俠已也凡若此類史志多遺此清以前皖南北之重繫天下不能不發明者四

皖志議略上

清室以還年羹堯威宣西海身死國門其人實生懷遠徐常遺烈猶在人間迨及咸同髮捻並作淮軍之起李鴻章程學啓首蕩東南既定中原橫戈域外跡其所至西越流沙郭寶昌金運昌皆入新疆東平高麗吳長慶南鎮台嶠劉銘傳外保越南王孝不可謂非雄畧即張樂行潯陽人李昭壽固始人苗沛霖鳳台人石達開陳玉成廣西人任柱張總愚之屬偏起一方縱橫南北要皆一世之豪當時如多隆阿宿松之戰太湖之戰桐城之戰廬州之戰僧格林沁蒙城之戰楊岳斌小孤之戰曾國荃安慶之戰江忠源李續賓之効死胡林翼曾國藩勝保英翰之督師皆關大局持種族者或屈彼而伸此今五族共和當以仁暴為斷信史之作自著公評况甲午之役丁汝昌自殺不降其事與劉仁瞻同見前日人尚持公論庚子之役聶士成平內拒外其事與李秉衡異聯軍猶起哀思故遼東之戰馬金叙死拒鴨綠日人歎為名譽之師遼南之役章高元裸戰蓋平歐人詫為天下奇事西狩之危二馬馬玉昆馬金叙獨撐險難雁門一戰馬金叙德法竟至喪師卒賴李鴻

章力成和議始免瓜分功烈更昭天壤武昌首義淮人興起尤多厥後段祺瑞姜桂題帥先諸將首贊共和大難於焉始定此近世皖南北之重繫天下不能不發明者五

文德

文德之成非儒俠不克經綸天下阜陶六安佐虞叔敖霍邱相楚實開儒俠之先而古哲無文不聞撰述其功業即書也惟管氏穎上窮居自抒經抱書先孔老創儒生事業於無窮蓋首編自著餘則後世益之非自著也觀其治開霸業而道實近王其人卓惟儒俠所稱禮義廉恥是謂四維四維不張國乃滅亡倉廩實而知禮義衣食足而知榮辱又稱招携以禮懷遠以德皆古先王經世大謨其一匡九合因燕君送桓越境割地予燕受曹沫刼盟竟還魯地合諸侯討楚而卒與和已則受下大夫之賞以讓國高不爭爵祿按其著述無不實踐其言則固聖人之徒也後世以論孟鄙之遂多疵議豈知聖賢立說類多一時之言

皖志議略上

烏可執為定論假論語之名以圖己利因以闢之非輕管也厥後甘羅穎上相秦

管兵北道春申壽春相楚威振海邦封春下逮呂臣佐義義帝都規取咸陽遺

義入中原項羽戰河北沛公入關皆呂臣事頡羹漢高兄治舒創興溝洫至今二千年甚至朱邑桐

人司農文翁舒城化蜀周瑜破魏魯肅連劉宋齊邱青陽肇啓南唐李善長鳳

人佐興明室包拯合肥佐宋余闕合肥佐元雖品類或殊成敗各異要皆管氏

之遺明之衰也左光斗振興武備治水畿疆原集尤具人倫風鑒錢飲光獻策

閩中効忠桂嶺皆關王霸雄謨所著藏山閣集獨精使用其才明何遽滅即方苞於前清

盛世獨倡墾畿輔復三衛以保京師姚瑩於英艦方張獨能守臺疆規衛藏以

謀邊海皆不得謂文章風節遂盡此才則亦管氏之流亞也年羹堯生際盛時

拓畝萬里李鴻章生當末造獨保中國三十年尤足並驅管氏惜乎其學不足

以著書耳此管派之重繫天下不能不發明者一

老言道德重視兵刑其體似儒而其用則俠言治言兵皆有高深不測之量故

其術曰以正治國以奇用兵以無事取天下其要旨則曰以柔制剛以靜制動欲取姑予欲翕故張而其精神則在貴愛其身以存天下思深哉考其年輩實先於孔孔入周嘗竊師之故漢文崇黃老而治法儼同三代獨其書自河上公移其章句或屢箋注以入正文遂至真精或昧姚惜抱深窺斯旨章句之作於傳本頗殊而義多未盡譾者或列爲道家抑知其言道德固由所見之深彼其憂患爲獨苦哉陳涉之起不踰淮南以避秦鋒踞陳今陳州府不動然後令吳廣扼滎陽別遣周文間道入關立六國以分秦勢此卽老氏以奇用兵以無事取天下之術也而獨不知貴愛其身以存天下君子惜之呂臣相楚當項梁之敗獨舍盱眙入彭城思以項羽拒秦師河北而陰使宋義襲殺函義死復遣沛公間道襲秦闕則亦老氏術也烏得以其敗而少之厥後楊行密之興大抵陰師其術宋齊邱用此尤深其治南唐尤得以正治國之義安得以其人而沒之明太祖之起不謀北伐速取江南其意蓋鑒陳亡貴愛其身以存天下其後用兵治

皖志議略上

五

國無不與老學同符而程靈洗汪華輩之保境安民尤得老氏不爲福始不爲禍先之義惜其皆不讀書但明粗迹不若漢文能學而取其精耳嗟乎後賢事業何一不自前人哲學陶鑄而來蓋鄉先正之流澤遠矣此老派之重繫天下不能不發明者二拙著刪訂老子一卷未刊

閔事孔門獨深孝弟婉辭權貴節概凜然觀其冰雪晶瑩別無文詞以垂後世又無子弟以顯其名宜乎沒世無稱矣然高風潔韻自足千秋亂世名流尤宜法此其師雖孔實亦老之徒也東漢之衰名傑多歸黨錮而陳寔黃憲皆潁州人蟬蛻塵埃六朝之亂人紀消亡陶潛獨辭彭澤今東流縣志稱卽彭澤遁跡歸來何點霍山人

高臥霍山靜承遺緒宋亂而李公麟桐城人以高致著明亡而阮廷瓚桐城人以孝悌名觀其管叔一篇儼躋虞舜清則黃藥身霍山人差足繼之他若何如寵張英

吳廷棟號稱宦達託志山林鄧石如包世臣長揖王侯醉心猿鶴則亦閔之徒也此外大江南北處亂世而樂窮荒甚若陳大觀石埭人餓死以抗連帥葉漢池

餓死以抗達官。何可勝道。此皆天地之真精。生民之元氣。所以孕文章。勳烈於無形者也。嗟乎。士患無實行耳。而世乃欲競文藻。廣聲氣。以弋浮名。豈不悲哉。此閔派之重繫天下。不能不發明者三。

莊出於老。其趣未若老氏之深。而其人實俠。觀逍遙一篇。其氣固已縱橫六合。所稱塵垢粃糠。陶鑄堯舜。目無堯舜。安論帝王。然知其不可奈何。安之若命。則猶進於儒。蓋伊孟而後。氣象之豪。未有能如莊子者也。故嘗謂老近孔。而莊近孟。孟莊得志。則皆伊尹之儔。後世失其旨趣。列為道家。有不為莊生。睨笑者哉。莊氏詭奇。莫逾齊物。其平貴賤。即平等之微言。一死生。則任俠之至義。流風既扇。奇俠偃興。陳涉之王。起自耕傭。英布之王。起於徒隸。此平貴賤之效也。行密之帝。激於巢。虐。元璋之帝。迫於元誅。此一死生之效也。夫人至平貴賤。一死生。則雖萬乘之威。刀鋸之慘。抑安往而不敢為哉。嗚乎。此淮上豪俠。所以震動乾坤者歟。惜乎。五胡之亂。久踞中華。晉人以曠為莊。高者止於稽康。劉

皖志議略上

伶阜陽人而不明俠義。馴致鄙夷萬物。坐觀夷禍三百年。此則莊生所不及料者

也。惟辛肅人救肝。唐末亂。邦才乙姓救六明末事。實皆任俠之奇。至若范滂太和

李膺亳州人。折宦官而嬰慘戮。黃暄貴池人。方法痛暴主而赴清流。汪文言黟縣。俠

自賈人死。庇端士明末黨事。楊光先歙縣人。俠由曆士。死重夷防清初為西人。則固莊

生之旨也。至若霽雲南姓求泗救張。可法史姓救桐。得功黃姓。殉王宏光事。忠源江姓。殉合

王琳。死壽而梁滅。道周黃姓。死徽而明亡。雖非皖人。皆成奇烈。而况灌夫阜陽

不負故人。文祥張姓。獨報死友。王洪桐城人。代主代明祖。吳越桐城人。復仇尤為平

貴賤。一死生之大者哉。此莊派之重繫天下。不能不發明者四。

淮南壽州人。一子祖述老莊。迹隣於俠。然其書近道。實乃文人。叛亂之名。厥由獄

吏。小山叢桂。蓋乃其臣憂懼之深。吳汝綸之辨。不可磨也。彼其為書。類多藻采。

其中精闢。漢以來諸子。莫之或先。卓為吾皖文家之祖。自時厥後。子家式微。而

文集乃盛。惟吳應賓宗一聖論。以南華之筆。達孔孟之思。與張氏桐城縣人。續

南華外篇實相輝映許氏名深及將子旨近淮南劉大櫪觀化一篇尤近莊氏
劉開編首一二作則亦子之遺也然子遁於虛究不若集徵諸實而集弊則繁
夫文者吾身之氣骨所凝結而流者也然文非經世不足言文言而不文終難
永世不篤倫常則其氣不厚不嚴操守則其骨不剛淺者徒襲古人規模神韻
轉若深閨嫠婦不敢一見丈夫此豈立言之旨哉應賓以還文莫奇於戴氏名世
而禍乃益奇其紀述精者悲涕蒼涼上追左史禍始余生一札內載方孝標滇
南紀聞遂至并罹慘滅要其帝宏光隆武永歷三王不可磨也嗟乎以彼其才
使成明史卽歐氏烏足道哉然戴書尙存而孝標書竟滅悲夫方苞之文原於
經術義法精嚴壁立千秋真有廉頑立懦之概其才若遜於戴而其敘倫紀則
皆血性淋漓雖韓歐莫逮况自元明以來古文絕響苟非方戴特立獨行中國
已無達士此其爲功安可誣哉獨惜桐人褊陋若以爲私爲可笑耳大櫪師方
氣雄文藻雅近淮南而真精或寡姚名承劉緒體潔韻深而才殊弱其遊泰山

皖志議略上

七

記一篇令人懷天際真人之想文近老子而經世則微要其鑒別古書不可廢
也姚氏既沒梅曾亮上元人宣城籍獨精奧折自闢一途吳汝綸桐城人獨宗厥義大抵
古文之難莫如碑版非字如金石則氣骨不凝昌黎以還實嗟寥落惟吳汝綸
躡曾侯遠過鄉老獨敘左李乃不克稱其雄豪蓋質本文人故不能寫英雄之
概要其深州風土記一書真傑構也此數子者皆起桐城外則吳應箕兄弟劉
公馥朱書施閏章徐子苓程墉皆堪並峙而餘或寡嗟呼歐氏有言一爲文人
便無足觀而孔子獨稱不文不遠世有豪傑其必知所擇哉此淮南派之重係
天下不能不發明者五

陳搏亳州人晚出隱於道家其學實同莊老然當五季之亂高臥華山及聞宋祖

代周狂喜墮驢下蹶然起曰天下自此定矣嗚乎此豈忽然忘世者哉惜乎宋
祖之賢聘之一見而不能用其才一展內聖外王之大略也且宋儒之學闢自
濂溪太極一圖厥惟搏製其道要與伏羲畫卦並窺天地之先蓋其仰親俯察

慧定若神實非謫俗所能窺測有明周顛張三峯之佐太祖九華道士之迎陽
明殆其匹亞者歟當明末造姚休那桐城人獨抱前知遜辭天闕精術數崇禎時召見予官不受
歸流寇及江所避地寇輒不至人益神之前清之盛江永婺源人前知絕學著述名山道行忽自投入
水或極而叩之曰吾以厭勝下逮道咸方明煌桐城人老死窮鄉遺記尤徵奇驗
吾子也是日子果墮水得救生時每夕占星臨病截竹納遺記封其端外書某支干開折始知乾坤奧蹟其
以遺子孫辛亥武昌事起折視其言無一不驗僕所親見者始知乾坤奧蹟其
大者實有命數宰乎其先要非人力所能旋轉西哲之書闢除命數不過鼓舞
英豪啓者遽執西說以闢之豈足與語陰陽造化之微妙者哉此陳派之重繫
天下不能不發明者六

朱子代作上溯濂溪此固天下之大儒也觀其合論孟學庸為四子書力崇孔
教宋元明清諸帝尊其書者七百年從則治否則亂後生不察謂其利於專制
因以闢之豈知聖賢立說義歸萬世而或主一時斷不能執一時之言概其萬
世檀弓稱速貧速朽有子稱孔子謂喪欲速貧為石槨言之皆非定論即此例也

皖志議略上

夫以專制之威乃欲立說著書顯驅君主即無論身之不保其書抑何以行哉
論語稱君禮臣忠義歸對待固非獨重君權也孟子之學力主民權民為貴社稷次之君

為此天下所知矣然漢以來屏於諸子不列學官朱子不重民權何以獨推孟
子武庚叛周謀興故國朱子語類獨深許之苟重專制何為出此且其一生書

法孟德是宗朱子語錄自稱書法曹孟德至今一展其書皆有縱橫萬里之概夫天下安有

生無俠骨而可為聖賢者哉且大學皆內聖外王之大法中庸實天人性命之
精微久混禮經研之者寡遂致秦漢以降莊佛縱橫詞章濁亂學者號稱儒術

茫焉不知本末後先之序與天人合一之原非朱子列為四書學問終無統緒
僕生平不談道學尤恥朱陸之爭獨慮滄海橫流人心已死為奴滅種端在此

時益信朱之尊六經專四子實乃植天紀建人極於無窮天地不死孔教終不
可磨即朱子終不能滅此可斷言者耳僕前刪六經學庸皆已編訂惟未注耳

道說以存人道於幾希朱子以還學凡屢變陽明之說首重良知明則方明善心學宗一書

獨承其統。清則方潛所著。曾一見其名獨衍其宗。經則錢飲光詩易爲精。王遜易書特異。其說皆別於朱。方姚上六子皆踵作。經術湛深。大抵皆宗朱子。然方精周禮。執古過深。其闢陸王亦多過激。惟喪禮或問。周官政要。則固精卓之書。乾嘉之世。箋注支離。號稱漢學。姚獨深求大義。砥柱中流。不可謂非豪傑。汪雙池。佩興寒賤。酷慕程朱。則亦豪傑士也。秦後禮經。漫無統紀。惟江永皆婺源人綱目。義本於朱。良爲傑構。休寧人戴震休寧人殫精漢學。後起爲豪。其語多背於朱。然所論理在欲中。不可謂非精識。方東樹漢學商兌。攻戴尤多。惟錢白渠皆桐城人經概。經疑望文生義。一洗支離破碎之煩。夫儒之大者。斷無宗一家師一說。可以囊括古今。朱子一生。何嘗不精考据。但冀躬行實踐。大節皎然。勿愧陽明不行。不知之語。其餘可勿深求。前清文獄。慘戮賢豪。遂至英傑之才。始爭陸朱。繼爭漢宋。浮華之士。遁入詞章。無一能求治術。新學者出。遂併數千年倫常文字。而摧滅之。嗚乎。此豈一朝夕之故哉。此朱派之重繫天下。不能不發明者七。

皖志議略下

桐城陳澹然劍譚著

地輿

天下無論何地必能守而後能戰能戰而後能自存能自存而後能連隣境以成大國一國然一省何獨不然不明地輿焉能及此地輿之學形勢為先沿革為後何也形勢必注於今沿革必求於古然形勢推移戰略即因之而變不求沿革形勢何由而知兵政大綱必先建置精神所萃經絡斯張非可苟焉已也以建置言壽扼長淮心腹睥睨中原楚都壽春控南拒北尚已然畏秦數徙其勢已衰不數傳而遂滅袁術稱帝壽春覬覦河洛智狹而驕搆怨邳下邳呂徐備州劉勞師蹙地不數載而遽亡皆非地之過也韓林兒定都安豐霍邱久稱帝號相其形勢或過壽春啓明明初奉其正朔亡元實同義帝他若李憲稱帝舒城杜伏威山東人稱王歷陽陳友諒稱帝采石彼其建置邈矣無稱魏晉隋唐之世北帥不外壽廬淮南建國楊行密始都廬州而壽益重南宋播遷盱眙順昌穎州府恒建

皖志議略下

一

二帥張浚之敗在盱眙撤盱眙並力東西設淮東淮西二帥而北防益薄汪立信三鎮之策竟格不行故元將南來淮上無能入衛厥後文天祥四鎮之策鄱陽一鎮即以宣歙州為根株然其地守有餘而戰不足盛則楊吳得宣城而後取閩中明祖得宣徽而後收兩浙衰則黃道周明末自閩入徽以圖江表徽敗而閩亦亡曾國藩自宿宿州入祁祁門以圖東南徽失而祁亦岌甯國屏蔽西浙周天受守寧都死而浙亦亡地勢限人雖英雄不能用武池州濱臨江計唐明重鎮名蹟尤多姑孰太平府之防晉人尤重元守太平常遇春破采石克太平而金陵輒陷秀全守蕪湖湘軍襲金柱太平關名奪太平而金陵遂圍然其地藏而不廓非建帥地也綜攬全皖形勢莫如鳳壽安廬鳳廬皆据大湖氣尤壯闊明太祖起自鳳陽事定特建中都徙吳越富民實其地均衡南北廓然懷定鼎之思厥後雖改都燕中都仍居總督清咸同之亂正陽關連易大帥十二人皆居此地福王之起尤獨賴之不可謂非雄略然此特一國之地而勢隔皖南非一省帥府之地也壽安雄峻並扼江

淮然皆近逼水濱殊難戰守安慶建帥始於元世陳友諒得安慶而吳明太祖初稱幾亡明太祖自桐東襲安慶遂破南昌而漢始滅宸濠攻安慶不下返南昌而遂亡陳玉成連踞安廬湘軍不能東下卒斷石牌棕陽絕三面援兵拔其地而後破金陵是四者皆以安慶為存亡關鍵其事乃與吳楚之興亡劉項之生死同為千古之奇故當時爭議改省廬州曾國藩獨以長江北岸無一重臣定議仍歸安慶明初皖撫臨六安流寇其議可謂卓矣吾以為亂在長江安慶固為扼要若兵由北至安慶亦可深藏惟明制皖撫兼轄黃湖北麻城光州固始肩背可資今則肩背單寒淮北亦多遠隔北貧民悍控制尤難坐堂奧而握中權自以廬州為上策然安慶扼長江腰膂無重兵又何以制長江惟軍民分治以都督駐安慶以民政駐廬州否則以都督駐廬以民政駐安制仿蘇寧並為省會似亦計之得者尤有進者各省地方遼闊今議行政之區歸於各道似亦根本之談然考清之各道地皆狹長即以皖論按現制以安慶歸皖南自宿松西界至當塗東界皖北自霍山

皖志議略下

二

西界至滁兩道皆狹長千里若直隸雲南四川新疆廣東按建置之法大而行

省小而一縣其出令之地皆宜坐鎮中央方可四方呼應狹長之地呼應難周何由保衛無已則莫如仍存省制分設都督總監仍如督撫而行政區域則劃道地而小之如皖省則安安六安為一道徽池為一道甯太廣為一道廬滁和為一道穎鳳泗為一道縣之大者分之如桐城本四縣合一轄地太大即一道宜自孔城東偏劃東南另為一縣一道長官必住本道適中之地仰亦折中之法也此建置之重繫天下不能不發明者一按全皖在明定為南直隸合江蘇為王畿始成全局清至雍乾別分為省黃麻光固始去皖疆然滁和太平廣德寶藏金陵於是金陵西南北三面皆關金陵有故東南何以能安况徐州形勢南北必爭必建徐淮而後可安淮北世有明大路者其必知所計哉

以險要言吳明起自壽孫濠明皆得歷陽和破采石今太平府而後東下宋襲南唐浮梁采石枕席過師金亮已踞歷陽而虞允文采石一戰遂存宋國當時采石烏江兩岸必狹其為巨道已自皎然今和采洲坍江流已闊而津浦鐵道由鳳至滁則形勢一變鵲浦姚惜抱稱在今桐城東鄉老洲頭今銅陵縣志稱洋山無上下數十里為鵲岸按其形勢與老洲頭南北相望北無

山而南有山其梅根在貴池縣江濱周自春秋吳楚之戰下
在銅陵為信在六朝重鎮雷岸在望江縣江濱周自春秋吳楚之戰下
連六朝皆稱重鎮今則皆非皖南之險莫如徽州將來屯屯蕪湖鐵道一興則
形勢亦變天門皖東門戶羅刹界為省城切近門戶皆扼長江東道險而礮
台逼露徒備敵攻非鑿山為台誠難制敵小孤在宿松扼長江西險未設砲台
供眺玩則雄特奇觀備戰守則兵難立足此地光緒十二年為江西彭澤訟爭
發歸皖中案而馬當在小孤東三十里即奇險切近東流東流皖縣馬當山上
定歸皖中案而馬當在小孤東三十里即奇險切近東流東流皖縣馬當山上
省分界之東即東流境也江西多險濱江東北尤多倘以小孤易馬當則西防
可恃長江險要自武昌至江陰有砲台處凡十數惟鎮江下關與馬當為
勢絕殊江皆曲流三面制敵馬當險此江險之重繫天下不能不發明者二
尤過圖山此中國砲台第一處也此江險之重繫天下不能不發明者二
馬多聚訟以蕪湖東下古稱中江是矣而晉史稱蘇約踞西江乃在滁州近
鐵道足亡人國眾所知自津浦路興皖人閔言鐵道其虛糜無實不忍言矣
而路綫之誤索解尤難南為蕪廣北由焦湖所懼英路者津浦尚在東偏獨信

皖志議略下

浦一成自信陽州至浦直斷皖人左臂踞吾北道而竭吾精華北利盡不早為
圖皖何由保求異綫以制其先且所貴乎鐵道者為其地無水道耳吾為窮國
水道苟通何必急求鐵道皖北精華莫先廬六以下皆先緒三十年集湖之大
南北咽喉商埠在蕪不得不以蕪為樞管吾意北綫當自合肥達巢湖始先疏
濡須口由路公司設小輪船與蕪接附設轉運保險公司以利商然後由肥通
六安上通周口則舒霍六苓茶麻漆之跋山至漢者皆可由筏以趨鐵道則信
浦之路必止然後由肥通正陽以達亳州取環湖八州縣之鹽由路公司兼辦
此不商辦由小輪分灑各岸則運巧而價可平收此兩大利源輾轉經營餘路無難
漸廣更仿舊金山分木路以達支途再由鳳陽接浦綫過肥舒由桐西分支安
慶入潛太宿達九江此綫若成南北庶無分裂之患此江北也南則蕪屯一道
徽商必可自圖此徽人屢公司但定其綫而已倘從此議何至蹉跎若此哉此
路險之重繫天下不能不發明者三照此辦法除津浦通九江應歸國有蕪湖

已連湖邊至肥分兩道不過七八百里間之住美華僑老辦路工者言平原各道每華里不過五千元前著造路議仿英捐武官法捐虛僑之例取縣省國各議員分爲定格除曾任文武官勳級素著與宿儒不計外餘非捐若干不得有選人與各被選之權捐者予之股票同分路利則大款可集選舉可清

天下大害莫如水治之苟精則且轉害而爲利有一地之士自足養一地之人農礦工商不召而自廣故嘗謂治國之道經緯萬端而其事當自水利始吾皖

襟帶江淮洪澤巢湖皆稱巨浸此外河湖百數淤塞尤多自古淮隄之建梁時橫淮

築堤中江之塞洪湖之閘五泗州之陸沉皆不可謂非奇蹟前清之盛各省皆

設水利局捐監銀兩專備河工自巡檢上訖封疆無不職兼水利見庸吏故雍

乾富庶前古所稀嘉慶軍興庫金支絀故道光水患近三十年咸豐之亂公私

蕩然水利局已無存者而水患不忍言矣考江之塞在下游通州蘆席港白茅

沙淮之塞在下游清江七堡上游則在壽鳳城下皆有石骨渡淮此二者非合

皖蘇不辦而境內之水則可自爲今江淮水患已八九年失今不圖民何以保

故通州張謇請借款千萬專事導淮僕辛亥冬在皖議會亦建議仿外國水利

皖志議略下

銀行之法借款三百萬以一百萬爲基本不動金出紙幣六百萬專辦疏河築隄建閘水箭

之事水箭閘也另設總公司董工事設分公司於各縣使其自謀除大湖大河由

總公司舉辦淮則開七堡出鹽河入海江則疏蘆港茅沙餘則令各縣自勘估

工無款則由水利銀行借貸較外債酌加一二釐之利本年收穫由畝攤還輾

轉三年大工可歲議格未行昔孫叔敖相楚以淮爲患開芍陂於壽春故史記

推爲循吏此疏築之利也僕世居江濱深知此中山鄉平陸塘堰爲先其細莫

如溝洫舒城皆山古稱窮縣自漢頡羹侯受封其地親巡相度合山中之水百

八十里逐層爲堰而分析之遍爲溝洫師井田之意有一田卽有一溝洫以環

之舒城遂稱富庶迄今漢社久墟而侯則二千年廟食不絕廬江地多岡坂水

田全賴坡塘而塘多淤淺光緒間縣令楊沛霖下令各塘限之尺度輕騎周覽

而嚴督之不如令輒痛挾不貸民甚怨之塘成以他事嚴譴至今廬無旱患民

尤德之而穎毫間溝洫尤多故迹此塘堰之利也皖省荒畝猶多宣統二年

稱荒畝照前額尚欠四萬頃三年農商部奏興洪澤高郵可開三百萬畝張謇亦稱英人測地洪澤一湖可墾百六十萬畝昔江淮婦人集有婦與夫日致與圖一日拍案大呼曰使得二十萬金屯田淮上不難橫掃中原云云今江淮可墾地多如此倘用濬江堤開行之兩淮何患不能償款抑何貧之可憂此水利之重繫天下不能不發明者四

物產之原根於地質淮夷蠙珠泗濱浮磬禹貢所載尚已而荆山之玉懷績溪之晶鳳陽之玉石桐城之秋霜霍山之茯苓歙縣之墨之松蘿蕪湖之鐵畫用

製其他石笛方竹都梁皆不可謂非珍物而要無關食貨之源惟銅官之礦著於南唐徽霍之茶名於海國他若池甯之絲宣貴之紙桐城之綿太湖之靛宿

松之菸廬江之礬舒貴之麻漆皆與稻粱菽麥同為衣食要需細者尤難悉數就其法而各新之皆足以成富庶而礦為五金巨產見於皖南者尤多公家已

十七處辛亥冬軍起兵餉無資籌借華僑三十萬除開蕪廣路外許購全皖荒田上至一元下至五分一畝六十年不升科開公有礦山不納租價僕時在

議總理其事復峻止之今不忍言矣治皖之法首礦學校使人人自辨礦苗按行山辟用洋鑽實驗礦苗與醫生臨症等則矢無虛發矣教礦之日即為驗

皖志議略下

礦之資與洋師訂約認得一礦酬而又多製吸機以除滲水先煤而後五金則

山農無事皆堪自掘僕少孤貧曾親治何事多招巨股徒費無功哉此物產之

重繫天下不能不發明者五

自古人物之興厥由山水地靈人傑實有哲理植乎其間此非術數之說也西

然為孔孟之鄉此天下奇傑地也秦山之脉莫知所由清康熙帝謂為自遼渡

霍山渡淮過呂梁為泰山之脉今攷壽鳳城下皆有石骨由此至呂梁按地勢

之蔚成南嶽此天下奇山也故管老著書實開孔孟天下江河汝漢其始皆由

山下出泉匯衆流以成大水而淮河南桐獨出胎簪山巔懸流萬仞泗則一源

四水合成巨川而其流皆鬱於皖此天下奇水也霍之為山左太行而右五嶺

與洋師訂約認得一礦酬

僕少孤貧曾親治

今攷壽鳳城下皆有石骨由此至呂梁按地勢

河南桐

西

秦山之脉莫知所由清康熙帝謂為自遼渡

今攷壽鳳城下皆有石骨由此至呂梁按地勢

河南桐

西

西

淮之爲水左河而右江而洪澤巢湖實生其下斯二者實分南北而陰陽寒燠
剛柔之氣卽由此而分也漢高祖起泗上史稱左股有黑子七十二股與黑皆陰屬
也此陰陽之明微也二三月間客之自南而北者至江浦王家營以南則桃柳
爭妍過此而北則烟濛欲雪此寒燠之明微也淮南食稻稻花晝現此陽屬也
故人性柔淮北食麥麥花夜現此陰屬也故人性剛此剛柔之明微也非特其地之南北適中爲足重繫天下已
也而皖南則自天柱而潛山大龍雄視江表史稱漢武祀南嶽登潛天柱峯出
棕陽在桐城射蛟江中登盛唐在安慶城內作歌舳艫千里蔽江而西山川之氣一壯
過江則黃山九華盤鬱數百里巍然與天柱卽霍山並峙而益發其光華南岸濱
江若小孤此山舊在南岸今猶近南太子名磯天門采石皆有獨立一世之精神龍眠浮渡齊
山牛渚敬亭皆有悠然塵壒之旨趣故漢明二祖之興極二千年帝王之盛皆
產泗淮陳涉起曹操生孫策長楊行密生之霸業管仲李鴻徐常之奇功皆在
大淮南北而程靈汪華錢左皆守皖南後世則起黃山九華之間莊生於北開
哲學之大宗朱復生南作孔教之後勁方戴之文章梅定江永之絕學皆起於

皖志議略下

南此數子者窮達雖殊其力皆足震動百世嗚乎豈偶然哉夫國於天地必有
與立要以保守進取互爲其根方可自撐於天地皖北尙武其傑者皆有王霸
之思此天下進取之風也至今練總之皖南尙文其高者皆有聖賢之志此天
下保守之風也皖南敬祖重宗族雖布衣族人雖宰相不能不聽其教令實皆晉人南渡中原宗法之遺斯二者實皆中
國數千年元素而武或流暴文或毗柔劑二者而變其平則雖一省人才自足
稱雄天下此風俗之重繫天下不能不發明者六

前志辨

安徽通志道光時陶文毅實肇其先亘三十年當同治亂平復取前志更相增
續然其書等於簿記君子病之今且五十年矣按其年代遠過陶時而江淮諸
帥所爲治內攘外者當時其人未沒志例不書昔湘人集金四萬修湘軍志精
軍雖成平捻記文不足傳遂至闕然無色國史國史所關定論必先鄉里此不
能不作必以各省志爲根株此則急宜補救者

能不修者一

前制數縣爲府。公產爲多。國體既更。府名皆廢。易州爲縣。多與前殊。革命以來。公牘或罹兵燹。甚乃吏書逃匿。殘闕凋零。一紙之差。動成巨訟。不早修省志。後世何徵。此不能不修者二。况前志之蕪。更有不容不改者。

一曰疏。魏武雄才。實生譙郡。

亳州

陳涉呂臣。義帝漢高。楚霸存亡。皆在皖。疆志

皆湮沒。程靈洗。汪華。錢魯。曹平章。劉源。許榮。黃鼎妻。及宋元明諸寨。或保境安民。或抗心故國。傳者尤稀。他若邊海殊勳。山林奇烈。脫略尤多。其他缺遺。更無足怪。此不能不改者一。

二曰濫。苟叨科第。必予特書。苟竊巨官。必成美傳。甚或但抄語錄。卽列儒林。粗解詩詞。亦稱文苑。遂至忠節繁於箚。葬孝義等於榛蕪。黑白旣淆。精華轉沒。此不能不改者二。

三曰譌。左圖右史。圖實居先。原志之圖。多由書吏。此不足言。卽新圖全部。

安徽

全圖光緒十六年設局前後近十年始成

按之足迹。譌謬實多。其他軍警所圖。益無論矣。夫行

皖志議略下

七

政治軍經商。行旅無一不賴良圖。皖扼江淮。尤關全局。此不能不改者三。四曰膚。山澤川原。險要爲急。次則陂塘堤閘。水利所資。此數者皆吾民託命之大原也。自前清一統志。侈談名勝。前志因之。至乃一祠一廟。鋪叙必詳。一水一山。搜求必廣。流連風景。徒益浮華。而用兵治水之大經。轉難窺索。汗牛充棟。於治何裨。此不能不改者四。

五曰闕。物產盛衰。人民生死。泰西學者。研此尤精。嗚乎。此外洋農工商礦。所以獨致富強也。前志但侈種類。靡或發明。簿記之文。何裨實用。今民窮財盡。非闡明物理。不足振吾皖之窮。此不能不改者五。

六曰煩。夫文者天地之心。文之精者。無不動人歌泣。其致精之法。非簡莫由。孔子作春秋。取百二十國寶書。所成不過一二萬字。太史公取尙書世本。左國楚漢春秋爲史記。不過四十萬言。而前志乃至數百卷。蕪猥可知。無論卷帙繁多。寒士不能購致。卽力能購致。焉能舍窮年日月。讀此無用之

空言數典而忘抑奚足怪此不能不改者六

新志法

官書多繁費而不能精必用私著法而後可節用以求精美

今之行省古之大國也一省之志卽一大國之史也而前志乃如家譜其何以傳是書擬據前志采正史而簡嚴之不足則采雜家記載一切用爲資料自爲爐冶成一家言以明左史之法則文皆可讀而書傳矣

一曰略 取大事在皖及與皖攸關者仿紀事本末法各具爲篇其非終始於皖者則略境外而詳境內要必明其首尾免致鴟突難稽篇末則仿史公贊法別爲論以伸其義

二曰傳 凡終始於皖者無論矣其或生於皖而不終於皖或爲將吏於皖而非終始於皖但有大節可傳不能入略或入略而不能盡則傳之事多則爲特傳餘則人從其類用史公合傳論其才不論其官一破前志論官之陋老莊道德史並申韓叔敖相臣史歸循吏此物此志也

皖志議略下

八

三曰考 山水大者則仿水經之法以本山本水爲綱而以古蹟爲注其關係用兵險要必考古人成敗以實之其關係水利者必考近時利害以明之其無關名跡之寺廟則略

四曰圖 圖必開方計里衆所知矣今歷代沿革則仿沿革險要圖用套版別之各縣分圖必考各縣志兵事仿方輿紀要叙各省兵事成敗之法附爲說以明之

五曰典 凡關於建置必叙其顛末而詳其利弊他如戶口田畝賦稅學校兵額器機別爲表以整齊之

六曰表 凡關於物產商賈則先別其類而區分之各爲一表首物名次產地次價目次舊法次新法

以上六類約爲三編首略傳曰首編次考圖曰中編次典表曰下編分之可自爲書合之可爲全志文求馴雅使人誦讀爲文其或繁或俗而不能過簡者則

仿通鑑輯覽法。納於分注。使大小字一氣貫通。則文簡而事備矣。

以上辦法。苟無大節。雖宰相不書。苟繫存亡。雖阮髯必錄。所以明史法也。如此則尋常名臣科第循吏儒林文苑節孝等類。皆宜從畧。而縣志尙可備書。且原書具在。有心人各求其類。另爲一編。亦闡發幽潛之至意也。

詩曰維桑與梓。必恭敬止。又曰高山仰止。景行行止。日本國歌爲字二十有八。其人雖乘輪絕海。偶歌此調。無不矯首故鄉。故其愛國之誠。鼓盪不能自己。今國勢傾危。皖爲南北樞機所在。曩者陳涉曹操程靈汪華楊行朱元之起。上下皆四五百年。誠舉前賢事迹。發爲歌泣之文。庶令愛國愛鄉。並撐肝腑。卽當大難。最下猶將得一劉源。是亦春秋尊霸之苦心也。春秋尊霸也。後儒謬稱黜霸誤矣。

非霸主安能保中國哉

皖志議略下



